

撫州府志卷之十一

古蹟考 附古器

南陽諸葛廬西蜀子雲亭士大夫言之芳滿齒頰問地
之以人重也如是乎夫扶輿清淑之氣鍾于偉人水陸
草木之花溢爲尤物或登高以舒嘯或假物以言情亭
臺池沼之間緬想昔賢之流風餘韻髮髯如昨烏得不
令人感慕乎規倣古人摩挲古器爲法爲戒觀者各自
有得焉志古蹟

西豐故城明一統志在府城西南五十里本吳西平縣晉
撫州府志

卷之十一

古蹟考

改曰西豐隋省入臨川縣

工塘城明一統志在府城東南四十里梁周廸築

古州城名勝志汝水西臨水東有平陸曰赤岡古州治也

上有古城唐寶應中太守王圓自赤岡移治於連磬小
溪之西郵赤岡治卽此

述陂城明一統志在府城西一十五里今爲耕種塲

定川廢縣名勝志梁分臨汝西北境置定川縣定川卽臨
水也其地在今之雷坊去縣北五十里

珊城在金谿縣西南四十里南唐李煜置

洛城明一統志在金谿縣西四十里梁周迪築

廢新建縣太平寰宇記在崇仁縣西南九十五里吳太平
二年置隋開皇九年廢入崇仁

廢安浦縣太平寰宇記在崇仁縣西南二百六十里吳太
平二年置以安浦村爲名隋開皇九年廢入崇仁

廢西寧縣太平寰宇記在崇仁縣南六十三里吳太平二
年置以寧水爲名隋開皇九年廢入崇仁

廢巴山縣太平寰宇記在崇仁縣西南三十一里梁大同
二年置以巴山爲名隋開皇九年廢入崇仁名勝志巴

撫州府志

卷之十一

古蹟考

二

山故城在樂安縣西南三十里卽今游城

神運城明一統志在樂安縣南八十里相傳唐羅僕射領
兵逐寇夜有神助築城遺跡尚存

三者城豫章書在崇仁縣南北羅念庵記崇仁治臨巴水
連市錯居南北相匝不辨郊野地號三者北者列官寺
廟學南有東西二者民居輻輳嘉靖辛酉都御史胡松
建二城

王右軍故宅晉書王羲之嘗爲臨川內史置宅於郡城東
偏旁臨迴溪特據層阜荀伯子臨川記右軍故宅其地

爽塏山川若畫每至重陽日二千石以下多遊幸於斯
有茱萸亭今舊井及墨池并在

墨池南豐集臨川城東有地隱然而高以臨於溪曰新城
新城之上有池窪然而方以長曰王羲之墨池羲之嘗
慕張芝書臨池學草池水盡黑墨池之上今爲州學舍
教授王君盛恐其不彰也書晉王右軍墨池六字於楹
間以揭之

翻經臺顏直卿記撫州城東南四里爲翻經臺宋康樂侯
謝公於此翻譯涅槃經因以爲號公諱靈運元嘉初除

撫州府志

卷之十一

古蹟考

三

臨川內史以曇無讖所翻大涅槃經語小質樸不甚流
麗乃與沙門范惠嚴匡慧觀依舊泥洹經共爲潤色勒
成三十六卷義理昭暢質文相宣歷代寶之

羊角洞天道園錄撫州譙樓前左有一卷石長三四尺高
二尺許人謂之羊角洞天相傳有人自青城來扣石暫
開得見洞府云宋紹興中守王秬覆以小亭久之守格
某掘地觀之未數尺大風起穴中懼而止景定癸亥守
家坤翁更新其亭而爲之記

石龍在府西高丈餘周六百五十步隱起似龍有鱗甲出

輿圖備考

擬峴臺晉鞏記尚書司門員外郎晉國裴君治撫之二年因城之東隅作臺以遊而命之曰擬峴臺謂其山溪之形擬乎峴山也其成之年月日嘉祐之二年九月九日謝逸記政和元年中奉大夫狄公來守葺而新之則三月十五日

望楚臺林志在府治後宋張孝祥爲州守時創

金玉臺家坤翁記臨汝東西涯兩阜相望各以臺名一曰

金石一曰玉石謂兩臺爲地靈譬金玉爲物之精粹舊

撫州府志

卷之十一

古蹟考

四

有識語云金石臺分宰相出傳者以爲晏王兩相國之祥郡固西偏有亭高聳虛曠兩臺彷彿在其前蕪穢不治葺之旣成合兩臺之象而一之扁曰金玉

石門關明一統志府城西三十里有石雙立號石門關夾道多古松開池種蓮夏月頗堪遊賞故土人有十里松風九曲蓮花之目

棲霞樓王韶之記城西百餘步有棲霞樓臨川王營置暑月遊焉羅君章居之因名爲羅公洲樓下洲上果竹蔭長楊旁映高梧前豎雖在城隍趣同邱壑

春風樓名勝志在府城南隅桐林嶺下宋州人董居誼建
誼字仁夫卒官四川制置使鎮靜不擾居鄉溫和平坦易
樓雖圯時人猶以春風目之

金柅園家坤翁記郡圃夙號金柅自唐末以來多見於詩
人之題詠莫識其爲何義金柅見姤初六姤之卦巽來
而乾止之巽爲木乾爲金故有金柅之象是邦夙以汝
水東南巽來爲勝西北會臨水則乾也郡治亦位於州
西北來於巽之於乾可以會風氣而發奇秀也晏殊詩
臨川樓上柅園中十五年前此會同一曲清江滿樽酒

撫州府志

卷之十一

古蹟考

五

人生何處不相逢王安石集句臨川樓上柅園中羅幃
繡幕圍春風舫船一棹百分空看朱成碧顏始紅

清風閣名一統志在臨川縣曾鞏詩百尺危梯屈曲成闌
干朱碧半空橫天垂遠水秋光淨雪壓群山霽色明海
燕力窮飛不到郊園陰合坐尤清風前有客須畱醉莫
放歸時月滿城按清風閣卽在清風門內與擬峴臺近
明潤閣林志在府治內宋景定四年郡守家坤翁建

見山閣臨川集通判撫州太常博士施邈爲閣於其舍之
西扁曰見山

忠孝堂明一統志在府治宋守張滉繪晉太傅王濬像於內
史顏真卿像於內

平心堂林志在府廳後宋嘉定十一年郡守趙師夏重建
仁壽堂林志在府治後嘉定十六年郡守王槐建以揭御
賜仁壽堂三大字

近民堂林志在府治見山閣下宋淳祐間通判趙宜建王
容有記

瀛洲亭明一統志在金柅園西亭中景物爲一州冠

壽樟亭林志在府城東北清遠鎮禪居東山有樟木一幹

撫州府志

卷之十一

古蹟考

六

園三尋故名

玉茗亭名勝志在府治內亭下種玉茗花大如山茶而色
白黃心綠蕊人以此之瓊花亭前有石聳立如笋呼笋
石亭北有橫秋閣閣下爲春草亭皆宋嘉定中建

青雲亭名勝志青雲峯在臨川治南二里嘉熙庚子令李
義山作亭山巔名曰青雲亭董居誼詩溪傍好山添翠
濕亭依喬木得陰濃有人欲踏青雲路認取城南第一
峯

懷謝亭林志在郡治東園昔人建以懷靈運也

觀風亭林志在懷謝亭東宋政和中郡守劉祐立

思軒曾南豐記尚書屯田員外郎林慥通判撫州疏其寢北之池立屋其上入而燕焉名曰思軒

積翠樓名勝志臨川金雞城上有永興觀觀有積翠樓白玉蟾常棲真其中

十以齊王容記少監益國周公之世子綸以朝請郎通判撫州事公作十以箴送之朝請至州刻之石而置之廳事人以名其齋

拙齋朱子記臨川太守趙景明相便坐之北叢竹間得前

撫州府志

卷之十一

古蹟考

七

人所謂秋聲齋者樂之因稍易其腐敗撓折之尤者而日居焉更題其榜曰拙齋

林祕丞書屋名勝志府城西十五里五虎臺北厓有宋林祕書屋按林夢英字叔虎登淳熙二年第知武岡軍退居城西於金石臺上建樓藏書徜徉山水復除祕書丞年踰八十卒人號山房先生

碧澗書院見宋林夢英詩在麻源村臨川晁侯作

萬里窗程鉅夫記臨川鄒衆仁舉名其居室曰萬里窗既請涿郡盧處道書其顏又請予爲記

杏庭金華集臨川饒君子孟持故詩書家其先祖手植文杏
一章於其所居之西兵燹之餘風枝露幹屹然蒼煙因
樹亭其側名曰杏庭

魏夫人壇晉司徒舒之女夫亡遂立壇脩道不飲食而托
劍化形出輿圖考

連磐水源出連磐山通流四十里至吳家渡注汝水東與
人以木甌浸水中後於連磐橋下得之出荀伯子臨川
記此水比他流獨重故郡以克漏水

九井龍潭城東七里許汝水濱有九十九井乃周廸遺跡

撫州府志

卷之十一

古蹟考

八

里人卽其地祀之或謂有龍焉歲旱禱雨於此

紅泉碧澗在銅山下去縣西三十二里世謂在肝之麻源
景亦相似但紅泉則彼無而此有也

白鹿泉在郡城謝靈運繡經時有白鹿踏地泉湧出遂成
井中間湮沒陸公游持節至此復濬治之其泉澄徹甘
寒比他水尤勝

趙簡子墓唐十道志云墓在臨川隋圖經曰歷陸縣西四
十里石子岡有塚如硯子卽簡子墓也按簡子生春秋
季寔家河東圖志不同未詳

陶侃母墓雷次宗豫章記侃母譙氏新淦人墓在臨川縣南五十五里抱岡村今新淦彭澤二縣各有墓未詳晏元獻祖墓在縣北沙河殊曾祖白高安居臨川垂歿謂子郃曰我死葬床下部徙家而葬焉掘地得白鱸三而損其一郃生固固生三子殊與弟穎舉神童而穎天揭奚斯墓在富城鄉富陂之原

宋聶忠愍公昌墓在臨川招賢鄉十七都茶山之雷公嶺宋紹興四年勅葬於此建寺守之名招福院置有祀田百餘畝明嘉靖癸卯通判謝適然有記

撫州府志

卷之十一

古蹟考

九

何仙舟書堂豫章書在金谿縣疎山唐何仙舟棄官隱居讀書於此因號書山其書堂遺址尙存南唐始改爲疎山建寺其上有白雲閣一覽亭

玄洲縣志在西北狀頭山之東宋傅子雲嘗與群賢觴咏於此陸九齡記

飲歸亭曾南豐記金谿尉汪邁爲尉之三月斥其西垣爲射亭旣成教士於其間而名之曰飲歸之亭

烏石岡縣志在邑西四十里荆公有懷烏石岡諸詩
梭山老圃名勝志金谿縣北三十里地名青田爲陸氏世

居九韶築室前山讀書講學以山形如梭號梭山老
碧澗亭林志在金谿縣後車里元里人何茂甫建吳文正
澄有詩

臥龍石縣志在邑東南三里隱然蟠龍鱗甲之迹歲旱禱
雨輒應

墨池舊志距白水寺三里山嶺有池相傳謝靈運滌硯於
此見韓子蒼雜記

金禪師塔在金谿相傳有僧居此有大履跡在山峽石上
其塔制甚古廣輿圖考

撫州府志

卷之十一

古蹟考

十

王衛尉墓荆公祖墓靈谷山之東荆公囑其傍城陂院僧
掌掃祀施田有石刻

陸文安公墓在延福鄉青田津東山巔明嘉靖勅建神道
碑顏曰崇尚真儒此山距公母饒氏夫人墓爲近

玉田廣輿記在崇仁縣南三十里玉田觀卽蕭子雲種處

元子哲碑晏公類要崇仁縣南五步大唐大曆五年縣令
元子哲遺愛碑準尚書考功符建立顏真卿爲文并書

賞心樓明一統志在崇仁縣東南宋建臨溪之景堪畫故
名賞心

相山明樓道園錄崇仁華蓋山之陽有水曰珠溪余氏之族世居之余氏之彥曰敬作樓於其居以瞻華蓋於咫尺而以極高明題之從故學士吳公命也

相山堂明一統志在崇仁縣圃宋令孫實建後改放生亭逸老堂吳草廬集吾家士英年未六十舉家事異其子築新堂爲燕休之所學士程公書逸老二字扁其額士英吳氏升名居在樂安縣南之六十里

棲鸞堂崇仁縣志在尉廳之北丞廳之西宋淳熙間令張肅建又有梅院亭在丞廳亦尉所居也祕書郎夏旻有

撫州府志

卷之十一

古蹟考

十一

斷碑可考紹興丙子林黃中栗更亭爲堂邑人何異記鳴琴閣林志在崇仁縣治前臺門西宋紹興間令鄭賓年建邑人鄧軻記

御書閣名勝志崇仁縣東者有御書閣中藏宋理宗翰墨曰藏脩經訓竹閣梅亭共八字皆用御璽其餘制詔尚多梅亭者邑人李劉之別號也嘉定進士卒官吏部

侍郎

三山小隱名勝志在崇仁縣南十五里何同叔搜抉而出表其勝跡五十餘所題曰三山小隱三山曰浮石曰玲瓏曰崑石其實一山也奇崛鼎峙中寔一溪可容小舸

理宗書袞庵二大字賜之異揭于方壺洪邁爲作淨石
山莊記

南阜亭林志在崇仁縣南二里元虞集嘗作樂府一曲約
熊少府遊此

化龍池崇仁宋樂史家池旁有巨鱗鱗甲爪距如金一日
風雨大作化龍而去史登科正此日池以是得名出輿

圖備考

樂史墓在六都之官山

吳環溪沈墓在二十三都象居茶山

撫州府志

卷之十一

古蹟考

十三

過至孝墓在高富嶂之前見樂史仙鵝觀記

羅點墓在十二都茶坑

何異墓在二十三都浮石山莊

吳草廬墓在十三都左橋之神頓坑景泰四年副使韓陽
重脩亭堂碑亭周翠渠瑛詩停車官路左遙識草廬墳

虞文靖公墓在二十四都澤源徙葬邑南門外之官路傍
周翠渠瑛詩誰能甘白屋君獨謝黃扉

鹿岡書院縣志宋嘉祐間杜子野建中有挈雲館卽王荆
公受業處

東方朔像贊碑名勝志在宜黃縣合陂市輿地碑目云
州有晉夏侯湛作東方朔畫像贊顏真卿書大字勒之
碑今在宜黃富民家凡爲石六丈高一丈五尺按王安
石爲相其師鹿岡杜子野省之京師瀕行問所欲指壁
間顏真卿書東方朔贊曰欲得此安石曰墨本不足貴
碑在河北當爲致送于是示意州官輦致其家世久爲
涂院判所得後歸柿林譚氏元季爲合陂黃司令攜去
朔琴樂堂以居焉至正壬辰燬

樂侍郎義庄縣志史父子貴顯以所得賜賚置義田數千
撫州府志
卷之十一
古蹟考
十三
畝以贍宗族貧乏

銀監太平寰宇記在宜黃縣東南一百二十里本臨川之
上幕鎮其山岡出銀礦唐朝嘗爲銀監基址猶存至周
顯德五年析臨川近鎮一鄉并取饒之餘于白馬一鄉
立金谿場俱置鑪以烹銀礦

溜泉縣志在雙源嶺

廻龍亭豫章書宜黃縣北三十里荷玉山前有廻龍亭

鄒度支阼居名勝志在宜黃縣西十里花嶺上宋鄒極熙
寧中擢度支員外郎與執政議不合乞祠歸隱於此自

號一翁

龍池縣志在邑南九十里之綿谷唐大曆中禱雨於此有黃龍驤首徘徊須臾大雨如注遂爲祈禱之所

鄒極別墅名勝志在宜黃縣南塗黃嶺下宋提刑鄒極別墅在玉井傍時有道人自稱姓呂來輒索酒飲醉假枕眠公以珊瑚枕與之戲擲地而碎袖往井中浣濯復完隨於井上書玉斧泉三字人於井上頓足則起二泡合成呂字嘗于壁間畫一圓圖徑不滿八尺樓閣女樂皆具呂遠躍入圖亦漸退夫人急以衣裾印之遂成一圖

撫州府志

卷之十一

古蹟考

十四

子孫世藏於家

小瀟湘吳草廬集宜黃涂允端築亭江臯俯臨遐眺扁曰小瀟湘又別營庵於先墓側題曰於斯後改曰塗山庵石蛩在宜黃石梁橫空長數十丈南北相接下平廣可容數百人出輿圖考

釣鰲亭名勝志樂安縣西三十里鰲溪上有亭曰釣鰲亭黃司空故跡縣志名法麤字仲昭卽今添授鄉巴山里人嶺之腰爲故居世稱黃司空嶺至其墓在忠義鄉黃源嶺其左右有羊蹄山參翼數里

羅隱墓縣志在九都羅家潭谷有漁者入潭見石大字不能辨後水落石出乃羅隱墳也

嚴陀砦故跡縣志在縣北五十里今名朱家源昔饒州駱公任崇仁尉來此坐亾葬於山之西北遂爲神夫人張氏僉塑像於廟禱之輒應鄔克誠記畧唐元和間鄉爲盜擾無寧日朱司馬糾鄉民七千餘戶築寨於此民獲全僖宗時黃巢作亂強寇楊遊奕屯寨北索子女寨人以三白牲禱駱神是夕楊賊驚擾交刃自殺曉卽遁去元和咸通光啟大旱禱雨輒應宋中和年間朱司馬老

撫州府志

卷之十一

古蹟考

十五

以職事授弟繪後家於山下因名朱源寨南有南觀場李仙姑臺西有題名石蒲州永樂人姚賓書字畫古勁又有石月廣丈五尺嘗有光怪後鑿之光遂沒

綠畫軒王十朋記樂安孫君之得霓山之勝於是枕山而立棟宇結軒向明收拾景象取韓退之南山詩濃綠畫新就之語名之

棲霞隱居傅若金記斜州宋氏有隱君子焉曰道霞父得吳興趙公所篆棲霞二字因名其隱所曰棲霞而自號栖霞山人

北谷東鄉縣志在崇信鄉羅必元隱此墓在鄉之楊橋

吳嶺縣志在縣東南二十九都以漢長沙王得名又習泰鄉山曰五彩亦以長沙王得名

理學墓縣志陸梭山先生墓在羅首峯南麓陸復齋先生墓在萬石塘

附古器張澹巖文集宋建炎末撫州南鄱石獅嶺下地名紙管村有牧童某牧牛牛觸岸驚怖狂走視之似一銅器歸白陳某發得之耳高六寸足七寸半身一尺三寸五分從耳至趾高二尺六寸腹縱徑尺八寸橫贏二寸

撫州府志

卷之十一

古蹟考

十六

張右丞澂時寓疎山訪之謂此蓋古鬲也劉源父先秦古器記李伯時呂與叔考古圖趙德夫纂古金石錄吳儀圖所藏三代器皆未有如此之大者惜今逸不存

臨川天慶觀巨鍾鑄于唐永泰元年十月成於二年七月用銅壹千三百觔記此鐘者謂其金清其狀古惜後不知寶至隳壞寶應寺鐘重三千觔弘治壬戌樓垂圮趙貳車瑞命移置譙樓聲響益遠今則隄邑紳士剝樹聲樓於舊所移鐘樹聲樓上聞者悚惕加敬云